

VARIJABILNOST MORFOLOŠKIH SVOJSTAVA LISTOVA EUROPSKE CRNE TOPOLE I HIBRIDNIH CRNIH TOPOLA U KLONSKOM ARHIVU U ŽEPČU

VARIABILITY OF LEAF MORPHOLOGICAL TRAITS OF EUROPEAN BLACK POPLAR AND HYBRID BLACK POPLARS IN THE CLONE ARCHIVE IN ŽEPČE

Mirzeta MEMIŠEVIĆ HODŽIĆ¹, Dalibor BALLIAN^{2,3,4,*}

SAŽETAK

Crna topola (*Populus nigra* L.) je jedna od najznačajnijih evropskih vrsta drveća koja nastanjuje aluvijalna staništa uz obale velikih rijeka. Danas je jedna od najugroženijih vrsta šumskog drveća zbog devastacije staništa, regulacije riječnih tokova, i pretjerane ekspolatacije, kao i unošenja alohtonih vrsta drveća s kojima je hibridizirala. Cilj ovog istraživanja je utvrditi varijabilnost morfoloških svojstava listova crne topole unutar i između klonova autohtonih populacija i hibrida, te između riječnih slivova u Bosni i Hercegovini, kako bi se učinkovitije pristupilo zaštiti i oplemenjivanju ove vrste.

Istraživan je materijal iz klonskog arhiva crnih topola. Arhiv je osnovan 2005. godine u Žepču, od klonova sa 161 stabla autohtonih crnih topola iz 26 populacija širom Bosne i Hercegovine (iz slivova 6 rijeka) te 15 hibridnih vrsta topola. Mjereno je po 5 listova od svakoga klonova, a uziman je peti list od vrha glavnog izbojka. Merenje je vršeno digitalnim pomicnim mjerilom sa preciznošću od 0.1mm i kutomjerom. Mjereni su: dužina plojke, širina plojke, dužina peteljke, ukupna dužina lista, ugao insercije prvog bočnog nerva i centralnog nerva, udaljenost između najšireg dijela lista i baze lista, broj zubaca u dužini od 1cm iznad najšireg dijela lista. Podaci su obrađeni korištenjem SPSS 26.0 i EXCEL-a, i to prema populacijama i prema slivovima rijeka.

Analizom varijance utvrđene su statistički značajne razlike između ispitivanih populacija, kao i između slivova rijeka, za sva istraživana svojstva. Najveću varijabilnost pokazalo je svojstvo dužine peteljke, a najmanju kut insercije prvog bočnog i centralnog nerva. Populacija dlakavih crnih topola Čapljinama ima najmanje dimenzije listova i značajno odstupa u svim mjerenim svojstvima od ostalih. Najčešći broj zubaca na 1cm lisnog ruba je 4 zupca koji se pojavljuje na 38,3% listova.

Ovo istraživanje daje mali uvid u morfološke karakteristike crnih topola u klonskom arhivu Žepče, te može predstavljati osnovu za daljnja istraživanja u cilju potpunijeg razumijevanja svojstava crnih topola potrebnih za uspešan nastavak rada na oplemenjivanju ove vrste.

KLJUČNE RIJEČI: europska crna topola, klonski arhiv, morfološka svojstva listova

¹ Dr. sci. Mirzeta Memišević Hodžić, Univerzitet u Sarajevu, Šumarski fakultet, Bosna i Hercegovina

² Prof. dr. sci. Dalibor Ballian, Univerzitet u Sarajevu, Šumarski fakultet

³ Gozdarski Inštitut Slovenije, Večna pot 2, 1000 Ljubljana, Slovenija

⁴ Akademija nauka i umjetnosti Bosne i Hercegovine, Bistrak 7, 71000 Sarajevo, Bosna i Hercegovina

*Koresponding autor: Univerzitet u Sarajevu, Šumarski fakultet, Bosna i Hercegovina, Katedra za uzbudjanje šuma i urbanog zelenila, Zagrebačka 20, 71000 Sarajevo, Bosna i Hercegovina, e-mail: ballandalibor9@gmail.com

1. UVOD

INTRODUCTION

Crna topola (*Populus nigra* L.) je jedna od najznačajnijih evropskih vrsta drveća koja nastanjuje aluvijalna staništa uz obale velikih rijeka. Ipak je ova vrsta dugo vremena bila zapostavljena sa ekonomskog gledišta u mnogim evropskim zemljama. Danas je jedna od najugroženijih vrsta šumskog drveća, zbog devastacije staništa, regulacije riječnih tokova i pretjerane eksploracije (Ballian 2017; Čortan i sur. 2013, 2014, 2015).

Još jedna prijetnja po opstanak crne topole u Europi pojaviла se u 18. stoljeću, kada su prvi put na tlo Europe unešene alohtone vrste topola. Međusobnom hibridizacijom autohtonih crnih topola sa unešenim američkim topolama (*Populus deltoides* L.) nastale su hibridne topole koje su pokazale bolja uzgojna svojstva od autohtonih crne topole, te je zbog toga nastavljen rad na daljnoj hibridizaciji i selekciji hibrida sa još povoljnijim uzgojnim svojstvima. Za to vrijeme je autohtona vrsta zanemarena i ostavljena da se sama bori sa prijetnjom intogresije gena alohtonih vrsta topola. Zbog svega toga crna topola polagano nestaje, što potvrđuju i izvještaji sa sastanaka EUFORGEN – *Populus nigra Network*, gdje je evidentirano smanjenje populacija crne topole u mnogim zemljama (Koskela i sur. 2004).

Stanje u Bosni i Hercegovini je nešto bolje nego u većini evropskih zemalja, s obzirom da su alohtone vrste topola

unošene u manjoj mjeri. Također, osnivanje plantaža hibridnih topola nikada nije zaživjelo, tako da nije došlo do veće introgresije alohtonih gena u prirodne populacije (Ballian 2004, 2017).

Međutim, iako je autohtoni genofond crnih topola ostao poprilično sačuvan od introgresije stranih gena, topole u Bosni i Hercegovini nestaju radi raznih vidova devastacije njihovog prirodnog staništa. Ballian i Mekić (2008) navode da je, s obzirom na trenutno stanje koje vlada u području rasprostiranja crne topole, te na sustavno uništavanje njenog prirodnog areala, potrebno hitno izvršiti zaštitu njenog genofonda. To je jedino moguće kroz podizanje klonskih arhiva *ex situ*, na zaštićenim mjestima koja su znatno manje izložena ljudskim aktivnostima. Tako je osnovana klonska arhiva crnih topola *ex situ* u rasadniku Žepče, koja je predmet morfoloških istraživanja ovoga rada.

Cilj ovog istraživanja je utvrditi unutarpopulacijsku i međupopulacijsku varijabilnost morfoloških svojstava lista crne topole u Bosni i Hercegovini kako bi se učinkovitije pristupilo zaštiti i oplemenjivanju ove vrste.

2. MATERIJALI I METODE

MATERIAL AND METHODS

Klonski arhiv crnih topola osnovan je 2005. godine unutar rasadnika Žepče (Ballian i Mekić 2008). U klonski arhiv je uključeno 161 stablo autohtonih crnih topola, sa 26 lokacija

Tablica 1. Informacije o populacijama od kojih je osnovan klonski arhiv

Table 1. Information on the populations from which the clone archive was established


| Rijeka River | Lokalitet Locality | Zemljopisna dužina Latitude | Zemljopisna širina Longitude | Nadmorska visina (m) Altitude (m) | Broj klonova Number of clones | Šifra ekološko-vegetacijske pripadnosti Code of ecological and vegetation raionization |
|-----------------|-----------------------|-----------------------------------|------------------------------------|---|--|---|
| Neretva | Konjic Čapljina | 43°40'11" 43°08'41" | 17°58'36" 17°43'47" | 341 36 | 12 14 | 4.3.1. 4.3.2 |
| Bosna | Sarajevo | 43°51'20" | 18°24'08" | 539 | 4 | 3.3.3 |
| | Ilići | 43°49'16" | 18°17'57" | 496 | 1 | 3.3.3 |
| | Visoko | 43°59'27" | 18°10'56" | 422 | 4 | 3.3 |
| | Kakanj | 44°07'13" | 18°06'36" | 375 | 4 | 3.3.3 |
| | Rudnik | 44°08'10" | 18°03'40" | 410 | 4 | 3.3.3 |
| | Bilješevac | 44°07'57" | 17°59'48" | 362 | 9 | 3.3.3 |
| | Babina rijeka | 44°11'55" | 17°55'30" | 345 | 6 | 3.3.3 |
| | Zenica | 44°12'12" | 17°54'43" | 315 | 5 | 3.3.3 |
| | Maglaj | 44°34'24" | 18°06'10" | 201 | 4 | 3.4 |
| | Doboj | 44°44'24" | 18°05'55" | 137 | 13 | 1.1 |
| Lašva | Travnik | 44°13'08" | 17°41'30" | 476 | 4 | 3.3.3 |
| Vrbas | Bugojno | 44°00'57" | 17°29'14" | 600 | 9 | 3.3.2 |
| | Jajce | 44°18'58" | 17°14'48" | 389 | 2 | 3.2.1 |
| | Podmilačje | 44°21'59" | 17°17'48" | 351 | 4 | 3.2.1 |
| | Krupa | 44°36'52" | 17°08'55" | 211 | 4 | 3.2.1 |
| | Toplice | 44°44'18" | 17°09'17" | 170 | 7 | 1.2 |
| | Banja Luka | 44°46'09" | 17°13'05" | 152 | 10 | 1.2 |
| Drina | Osanica | 43°36'36" | 18°52'07" | 359 | 8 | 2.2.3 |
| | Kopači | 43°40'26" | 19°02'01" | 348 | 8 | 2.2.3 |
| | Tegare | 44°06'53" | 19°29'20" | 187 | 15 | 2.1.3 |
| | Bratunac | 44°10'08" | 19°23'57" | 173 | 2 | 2.1.3 |
| Spreča | Lukavac | 44°33'15" | 18°28'44" | 175 | 4 | 1.1 |
| | Gračanica | 44°40'40" | 18°18'13" | 154 | 2 | 1.1 |
| | Velika Brijesnica | 44°43'28" | 18°10'23" | 144 | 2 | 1.1 |

(tablica 1), te 15 hibridnih topola (tablica 2). Autohtonim materijal je sabran iz prirodnih populacija crnih topola u Bosni i Hercegovini. Sabirane su grančice sa pupovima u fazi zimskog mirovanja tijekom veljave, ožujka i travnja, prije kretanja vegetacije. Materijal je selekcioniran prema uputama koje je dao EUFORGEN (Van den Broeck 2003). Selekcioniранa su samo stara stabla, čija je starost bila preko 80 godina, da bi se izbjegla genetička kontaminacija alohtonim genofondom, odnosno introgresija neželjenih gena. Uz tipične populacije koje su uključene u arhivu, uključena je i jedna specifična populacija koja se javlja na rudničkom jalovištu u neposrednoj blizini Kakanja, zbog specifičnih uvjeta u kojima egzistira. To su potpuno uništена tla s jako siromašnim deponijama i pješčarsko-laporastom geološkom podlogom.

Svako stablo je razmnoženo u 10 do 15 kopija, odnosno klonova.

Također su uključene i hibridne komercijalne topole, koje su dobivene iz razmjene sa susjednom Hrvatskom.

Za potrebe morfoloških istraživanja, lisni materijal je sakupljen nakon što je potpuno završen razvoj lista. Sakupljeno je po 10 listova od svakoga klena, uzimajući peti list od vrha glavnog izbojka sa 10 rameta. Svi listovi su sabrani u roku od tri dana, te su propisno herbarizirani i sačuvani. Mjereno je 5 listova od svakoga klena, koji nisu bili oštećeni. Mjereno je vršeno digitalnim pomičnim mjerilom sa preciznošću od 0.1mm i kutomjerom, a mjerena su sljedeća svojstva (slika 1)



1. dužina lista (2+4)
2. dužina plojke lista
3. širina plojke
4. dužina peteljke
5. kut insercije prvog bočnog nerva i centralnog nerva
6. udaljenost između najšireg dijela lista i baze lista
7. broj zubaca u dužini od 1cm iznad najšireg dijela lista

Slika 1. Mjerena svojstva lista
Figure 1. Measured traits of leaves

Podaci su statistički obrađeni u SPSS 20.0 i u EXCELU. Urađena je deskriptivna analiza, analiza varijanse, te multipli Duncanov test i hijerarhijska klaster analiza metodom povezivanja između grupa koristeći kvadratnu euklidsku distancu prema populacijama/hibridima. Deskriptivna analiza, analiza varijanse, te multipli Duncanov test urađeni su i po slivovima rijeka.

Tablica 2: Hibridne topole uključene u arhivu
Table 2: Hybrid poplars included in the archive

| Hibridne topole uključene u arhivu Hybrid poplars included in the archive | Broj klonova uključenih u arhivu Number of clones included in the archive |
|--|--|
| <i>Populus nigra</i> var. <i>Italica</i> | 1 |
| <i>Populus serotina</i> - robusta | 1 |
| <i>Populus deltoides</i> - 710 | 1 |
| <i>Populus deltoides</i> Krka – S-6-20 | 1 |
| <i>Populus deltoides</i> Krka – S-6-20 | 1 |
| <i>Populus deltoides</i> Dunav – S-1-8 | 1 |
| <i>Populus deltoides</i> Sava – S-6-36 | 1 |
| <i>Populus x canadensis</i> BL Constanzo | 1 |
| <i>Populus x canadensis</i> San Martino | 1 |
| <i>Populus x canadensis</i> Triplo | 1 |
| <i>Populus x canadensis</i> I-214 | 1 |
| <i>Populus x canadensis</i> Tiepolo | 1 |
| <i>Populus x canadensis</i> M-1 | 1 |

3. REZULTATI RESULTS

Rezultati deskriptivne analize svojstava listova po populacijama prikazane su u tablici 3.

Najveću prosječnu ukupnu dužinu lista imao je hibrid *Populus x canadensis-San Marino*, dok je od autohtonih populacija najveće prosječne vrijednosti za ukupnu dužinu lista imala populacija Sarajevo. Najmanju prosječnu vrijednost ukupne dužine lista imala je populacija Čapljina.

Najveću prosječnu vrijednost širine lista pokazala je *Populus x canadensis M1*, a od autohtonih populacija Banja Luka i Bilješevu. Najmanju prosječnu širinu lista imala je populacija Čapljina.

Najveću prosječnu vrijednost za svojstvo udaljenost najšireg dijela plojke od baze lista imao je hibrid *Populus x canadensis-San Marino*, a od autohtonih populacija Bilješevu. Najmanju prosječnu vrijednosti imala je populacija Čapljina.

Najveću prosječnu vrijednost svojstva kut insercije između prvog bočnog i centralnog nerva imala je populacija Kopači, dok je najmanja prosječna vrijednost bila kod hibridne topole *Populus deltoides Sava S-6-36*.

Rezultati broja zubaca na 1 cm dužine ruba lista za sve populacije zajedno prikazani su na slici 2. Najveći broj populacija imao je 4 zupca na 1cm dužine lisnog ruba, a najmanji broj populacija 8 zubaca. Devet listova ili 1.3% od svih ukupno izmjerjenih, imalo je 8 zubaca, od kojih je većina pripadala populaciji Čapljina. Populacija Čapljina također je imala najveći postotak listova sa 6 zubaca na 1 cm lisnog ruba (44.6%). Populacija Gračanica imala je 50% listova sa po 5 zubaca. Što se alohtonih i hibridnih topola tiče, najviše klonova imaju postotno najviše listova sa po 3 zupca.


Tablica 3. Rezultati deskriptivne analize za istraživanja svojstva listova po populacijama**Table 3.** Results of descriptive analysis for investigated leaf traits per populations

| Populacija/ klon (rameta) Population/clone (ramet) | N | ukupna dužina lista (mm) total leaf length (mm) | | dužine lisne plojke (mm) leaf blade length (mm) | | Širina lisne plojke (mm) leaf blade width (mm) | |
|---|------------|--|--------------|--|--------------|---|--------------|
| | | Prosjek Mean | Std. dev. | Prosjek Mean | Std. dev. | Prosjek Mean | Std. dev. |
| Banja Luka | 51 | 160,0 | 18,2 | 100,1 | 9,1 | 115,5 | 10,2 |
| Tegare | 55 | 154,4 | 17,2 | 96,7 | 10,9 | 103,9 | 9,0 |
| Osanica | 5 | 130,8 | 13,8 | 84,9 | 9,3 | 83,5 | 9,7 |
| Kopači | 40 | 144,5 | 12,8 | 93,0 | 7,2 | 95,6 | 8,8 |
| Kakanj | 10 | 144,4 | 15,8 | 95,2 | 6,3 | 100,8 | 6,4 |
| Visoko | 20 | 128,6 | 9,1 | 85,7 | 6,8 | 95,2 | 11,0 |
| Lukavac | 15 | 148,0 | 9,4 | 91,3 | 6,8 | 103,6 | 14,2 |
| V. brijesnica | 10 | 130,2 | 13,5 | 86,4 | 9,7 | 83,3 | 17,6 |
| Gračanica | 10 | 151,0 | 24,2 | 99,2 | 17,6 | 113,3 | 18,0 |
| Rudnik | 10 | 118,1 | 30,5 | 76,4 | 21,3 | 84,9 | 25,0 |
| Iliđa | 5 | 131,1 | 15,0 | 86,1 | 14,2 | 86,7 | 10,8 |
| Čapljina | 65 | 87,6 | 9,2 | 57,9 | 6,7 | 58,9 | 10,4 |
| Sarajevo | 10 | 162,5 | 15,8 | 104,1 | 15,3 | 109,7 | 11,5 |
| Zenica | 25 | 143,5 | 20,7 | 92,8 | 10,4 | 98,9 | 23,6 |
| Bilješevac | 39 | 162,0 | 12,0 | 101,9 | 11,4 | 115,4 | 14,9 |
| Babina rijeka | 30 | 138,7 | 17,3 | 90,3 | 12,5 | 98,5 | 13,1 |
| Podmilačje | 20 | 157,2 | 13,6 | 98,6 | 7,8 | 111,1 | 10,6 |
| Krupa | 15 | 147,1 | 19,6 | 95,2 | 12,4 | 102,4 | 15,8 |
| Jajce | 10 | 139,1 | 11,9 | 89,0 | 10,0 | 91,1 | 12,0 |
| Bugojno | 30 | 138,2 | 10,2 | 85,3 | 5,8 | 93,9 | 8,0 |
| Konjic | 35 | 146,9 | 18,0 | 91,5 | 11,9 | 96,4 | 16,8 |
| Doboj | 50 | 142,5 | 24,6 | 93,0 | 15,1 | 96,8 | 15,3 |
| Maglaj | 15 | 158,6 | 15,6 | 102,9 | 10,3 | 95,1 | 13,0 |
| Toplice | 19 | 157,0 | 13,0 | 101,7 | 9,6 | 108,4 | 15,5 |
| Travnik | 20 | 147,4 | 17,0 | 95,7 | 11,3 | 103,3 | 13,0 |
| Bratunac | 4 | 156,6 | 18,4 | 99,4 | 9,3 | 97,4 | 13,0 |
| P. x canadensis M1 | 5 | 238,6 | 11,5 | 145,2 | 7,0 | 157,3 | 15,7 |
| P. deltoides Sava S-6-36 | 5 | 221,8 | 13,5 | 140,0 | 8,5 | 126,5 | 11,0 |
| P. x canadensis-Tiepolo 275/81 | 5 | 201,1 | 11,4 | 128,6 | 7,8 | 131,5 | 6,1 |
| P. x canadensis I-214 | 5 | 201,5 | 5,1 | 130,6 | 4,1 | 129,8 | 3,7 |
| P. x canadensis-Triplo | 5 | 198,4 | 7,8 | 129,5 | 6,4 | 138,7 | 15,6 |
| P. x canadensis-San Marino | 5 | 256,0 | 13,6 | 158,8 | 10,3 | 151,7 | 12,3 |
| P. x canadensis -B.I constanzo | 5 | 207,3 | 10,6 | 131,7 | 6,3 | 126,5 | 2,3 |
| P. deltoides-Dunav S-1-8 | 5 | 175,8 | 8,7 | 113,0 | 6,1 | 104,9 | 3,1 |
| P. deltoides S-6-20 | 5 | 200,9 | 12,9 | 117,7 | 11,2 | 118,9 | 9,7 |
| P. deltoides 710 | 4 | 222,4 | 18,9 | 149,7 | 17,1 | 150,5 | 4,7 |
| PSerotina | 4 | 201,5 | 8,0 | 117,7 | 2,7 | 124,6 | 8,1 |
| Pnigra var. Italica | 5 | 131,3 | 4,8 | 77,8 | 3,8 | 89,3 | 23,0 |
| Ukupno/Total | 678 | 147,1 | 32,3 | 93,9 | 19,9 | 100,1 | 22,3 |

Analiza varijance pokazala je da su razlike statistički značajne za populaciju kao izvor variranja za sva svojstva (Fizr.>Ftab., sig. < 0,05), a rezultati su prikazani u tablici 4.

Nakon što je analizom varijance utvrđeno da postoji statistički značajna razlika između populacija/hibrida po svim svojstvima, urađen je Duncan test kako bi se utvrdilo grupiranje populacija za svako pojedinačno svojstvo. Broj grupa dobijenih Duncan testom po svojstvima prikazan je u tablici 5.

Za svojstva ukupne dužine lista, dužine lisne plojke, duljine peteljke i udaljenosti najšireg dijela lista od baze lista, dobili smo grupiranje populacija u 13 grupa koje se međusobno preklapaju. Karakteristična je populacija Čapljina koja se izdvaja u zasebnu grupu s najmanjim prosječnim vrijednostima za ova svojstva. Za svojstvo širine lista populacije se grupiraju u 17 grupa koje se međusobno preklapaju, a

**Slika 2.** Frekvencija broja zuba po 1 cm lisnog ruba za sve populacije zajedno**Figure 2.** Frequency of number of teeth per 1 cm of leaf edge for all populations

također se izdvaja populacija Čapljina sa prosječno najmanjom širinom lista. Za svojstvo broj zubaca na 1 cm dužine lisnog ruba populacije grupirane su u devet grupa koje se međusobno preklapaju. Hibridne topole *Populus deltoides* S-6-20, *Populus deltoides* Sava S-6-36 i *Populus deltoides*-Dunav S-1-8 izdvajaju se u zasebne grupe, kao i populacija Čapljina.

Dendrogram (slika 3) pokazuje grupiranje populacija/hibrida tako da su hibridi (osim *P. nigra var italicica*, *P. deltoides* Dunav S-1-8 i *P. afganica*) odvojeni u zaseban klaster sa većim prosječnim vrijednostima svojstava dužine i širine lista i dužine peteljke. Zaseban klaster također čine popu-

lacijske Babina Rijeka, Maglaj, Kakanj, Tegare, Lukavac, Konjic, Toplice, Podmilaće, Krupa, Čapljina, Bugojno, Kopači, Zenica, Jajce i Visoko, zajedno sa hibridom *P. serotina*, koji imaju niže prosječne vrijednosti svojstava dužine i širine lista i dužine peteljke.

Rezultati morfologije listova obrađeni su i po slivovima rijeka, a rezultati su prikazani u tablici 6. Najveće prosječne vrijednosti ukupne dužine lista imali su klonovi hibrida (204.7 mm), a zatim klonovi podrijetlom iz populacija sa obala Vrbasa (151.9 mm). Najmanju prosječnu vrijednost dužine listova imali su klonovi iz doline Neretve (108.4 mm). Najveću prosječnu širinu lisne plojke također su imali

Tablica 3.1. Rezultati deskriptivne analize za istraživanja svojstava listova po populacijama

Table 3.1. Results of descriptive analysis for investigated leaf traits per populations

| Populacija/ klon (rameta) Population/clone (ramet) | N | Dužina peteljke (mm) petiole length (mm) | | udaljenost najšireg dijela plojke od kut insercije između prvog bočnog i baze lista (mm) distance of the widest part of leaf from the leaf base (mm) | | centralnog nerva (*) the angle of insertion between the first lateral and central nerve (*) | |
|---|-----|---|--------------|---|--------------|--|--------------|
| | | Prosjek Mean | Std. dev. | Prosjek Mean | Std. dev. | Prosjek Mean | Std. dev. |
| Banja Luka | 51 | 59,6 | 11,0 | 25,3 | 2,8 | 32,9 | 4,4 |
| Tegare | 55 | 57,8 | 8,0 | 25,8 | 4,7 | 35,6 | 6,6 |
| Osanica | 5 | 44,8 | 4,4 | 27,5 | 6,7 | 38,4 | 5,2 |
| Kopači | 40 | 51,4 | 7,5 | 27,9 | 3,4 | 44,1 | 5,2 |
| Kakanj | 10 | 49,7 | 9,2 | 24,4 | 1,8 | 37,6 | 4,1 |
| Visoko | 20 | 43,1 | 3,6 | 26,1 | 3,9 | 42,9 | 4,0 |
| Lukavac | 15 | 56,0 | 7,4 | 25,4 | 3,0 | 39,5 | 4,2 |
| V. brijesnica | 10 | 44,9 | 3,6 | 25,2 | 2,9 | 40,7 | 3,3 |
| Gračanica | 10 | 51,9 | 7,4 | 26,1 | 1,5 | 36,1 | 3,1 |
| Rudnik | 10 | 41,5 | 9,3 | 24,3 | 5,6 | 41,5 | 3,9 |
| Ilijadža | 5 | 54,6 | 23,3 | 22,3 | 3,2 | 32,0 | 2,0 |
| Čapljina | 65 | 30,4 | 5,1 | 16,5 | 2,5 | 37,1 | 5,0 |
| Sarajevo | 10 | 56,2 | 7,6 | 26,4 | 4,6 | 32,3 | 6,0 |
| Zenica | 25 | 51,4 | 10,5 | 28,9 | 7,3 | 42,4 | 3,4 |
| Bilješevac | 39 | 60,0 | 4,5 | 29,8 | 4,6 | 35,6 | 4,9 |
| Babina rijeka | 30 | 48,3 | 5,7 | 25,5 | 5,3 | 38,5 | 4,6 |
| Podmilaće | 20 | 58,8 | 8,1 | 23,6 | 2,1 | 36,4 | 4,6 |
| Krupa | 15 | 51,7 | 7,9 | 23,7 | 3,0 | 39,5 | 5,9 |
| Jajce | 10 | 48,7 | 5,5 | 22,4 | 3,7 | 37,3 | 7,1 |
| Bugojno | 30 | 53,3 | 4,8 | 28,5 | 3,1 | 42,7 | 3,1 |
| Konjic | 35 | 55,1 | 8,2 | 23,3 | 4,0 | 40,7 | 4,3 |
| Doboj | 50 | 49,7 | 11,4 | 24,6 | 4,2 | 39,1 | 5,6 |
| Maglaj | 15 | 55,2 | 7,7 | 26,4 | 2,5 | 42,1 | 2,8 |
| Toplice | 19 | 55,5 | 7,4 | 27,5 | 4,4 | 37,9 | 3,1 |
| Travnik | 20 | 52,8 | 8,4 | 24,6 | 3,6 | 34,8 | 3,0 |
| Bratunac | 4 | 54,6 | 9,7 | 26,0 | 3,7 | 42,3 | 2,6 |
| P. x canadensis M1 | 5 | 92,1 | 5,9 | 23,7 | 1,4 | 23,4 | 2,3 |
| P. deltoides Sava S-6-36 | 5 | 78,4 | 4,8 | 26,9 | 3,3 | 22,0 | 2,1 |
| P. x canadensis-Tiepolo 275/81 | 5 | 72,5 | 5,7 | 29,9 | 4,2 | 24,2 | 7,1 |
| P. x canadensis I-214 | 5 | 69,6 | 4,1 | 32,9 | 3,3 | 30,6 | 5,5 |
| P. x canadensis-Triplo | 5 | 74,6 | 13,3 | 32,1 | 3,9 | 25,0 | 1,2 |
| P. x canadensis-San Marino | 5 | 94,8 | 9,9 | 32,3 | 3,8 | 24,6 | 3,5 |
| P. x canadensis -B.I constanzo | 5 | 73,2 | 4,0 | 29,5 | 5,5 | 28,0 | 2,8 |
| P. deltoides-Dunav S-1-8 | 5 | 65,6 | 10,9 | 22,5 | 1,7 | 29,6 | 7,3 |
| P. deltoides S-6-20 | 5 | 80,4 | 6,6 | 24,0 | 1,9 | 24,8 | 2,9 |
| P. deltoides 710 | 4 | 73,3 | 1,7 | 30,2 | 0,7 | 23,3 | 2,2 |
| P.Serotina | 4 | 81,3 | 6,3 | 30,6 | 2,6 | 25,8 | 2,5 |
| P.nigra var.Italica | 5 | 46,4 | 14,4 | 19,0 | 1,4 | 32,4 | 6,5 |
| Uupno/Total | 678 | 53,2 | 13,7 | 25,2 | 5,2 | 37,2 | 6,6 |

Tablica 4. Rezultati analize varijance za svojstva listova po populacijama/hibridima

Table 4. Results of variance analysis for leaf traits per populations/hybrids

| Zavisna varijabla Dependent variable | Izvor variranja Source of variation | Suma kvadrata Sum of square | Stepeni slobode Degree of freedom | Sredina kvadrata Mean Square | F | Signifikantnost Significance |
|---|--|--------------------------------|--------------------------------------|---------------------------------|--------|---------------------------------|
| Ukupna dužina lista / Total leaf length | Između grupa/Between groups | 520786,270 | 39 | 13353,494 | 46,372 | 0,000 |
| | Unutar grupa/Within groups | 183722,773 | 638 | 287,967 | | |
| | Ukupno/Total | 704509,043 | 677 | | | |
| Dužina lisne plojke / Leaf blade length | Između grupa/Between groups | 194770,151 | 39 | 4994,106 | 43,073 | 0,000 |
| | Unutar grupa/Within groups | 73972,985 | 638 | 115,945 | | |
| | Ukupno/Total | 268743,136 | 677 | | | |
| Dužina peteljke / Petiole length | Između grupa/Between groups | 84529,255 | 39 | 2167,417 | 32,871 | 0,000 |
| | Unutar grupa/Within groups | 42067,519 | 638 | 65,937 | | |
| | Ukupno/Total | 126596,774 | 677 | | | |
| Širina lisne plojke / Leaf blade width | Između grupa/Between groups | 231634,448 | 37 | 6351,302 | 39,662 | 0,000 |
| | Unutar grupa/Within groups | 100704,764 | 638 | 157,844 | | |
| | Ukupno/Total | 332339,212 | 675 | | | |
| Kut insercije prvog bočnog i centralnog nerva / Insertion angle of the first lateral and central nerve | Između grupa/Between groups | 15158,128 | 39 | 388,670 | 17,272 | 0,000 |
| | Unutar grupa/Within groups | 14356,640 | 638 | 22,503 | | |
| | Ukupno/Total | 29514,768 | 677 | | | |
| Udaljenost najšireg dijela lista od baze lista / Distance the widest part of the leaf from the leaf base | Između grupa/Between groups | 8827,822 | 39 | 226,354 | 14,743 | 0,000 |
| | Unutar grupa/Within groups | 9795,433 | 638 | 15,353 | | |
| | Ukupno/Total | 18623,255 | 677 | | | |
| Broj zubaca / Number of teeth | Između grupa/Between groups | 492,678 | 39 | 12,633 | 19,722 | 0,000 |
| | Unutar grupa/Within groups | 408,661 | 638 | 0,641 | | |
| | Ukupno/Total | 901,339 | 677 | | | |

Tablica 5. Broj grupa po svojstvima prema Duncan testu po populacijama/hibridima

Table 5. Number of groups by leaf traits according to Duncan test per populations/hybrids

| Svojstvo lista/ Leaf trait | Broj grupa/ Number of groups |
|--|---------------------------------|
| Ukupna dužina lista | 13 |
| Dužina lisne plojke | 13 |
| Dužina peteljke | 13 |
| Širina lista | 17 |
| Kut insercije | 17 |
| Udaljenost najšireg dijela lista od baze lista | 13 |
| Broj zubaca na 1 cm dužine lisnog ruba | 9 |

hibridi (130.5 mm), zatim klonovi iz doline Vrbasa (106.8 mm), a najmanju klonovi iz doline Neretve (71.2 mm).

Frekvencija pojavljivanja broja zubaca po slivovima rijeka prikazana je na slici 4. Najčešće se pojavljuje 4 zupca po 1 cm ruba lista. Kod hibrida, kao i klonova iz doline Bosne, pojavljuje se i 2 zupca po 1 cm ruba, dok se kod klonova iz doline Neretve javlja i 8 zubaca po 1 cm.

Analiza varijance za istraživana svojstva napravljena je i po slivovima rijeka iz kojih potječu populacije od kojih je uzet klonski materijal za podizanje testa. Ova analiza pokazala

Tablica 6. Rezultati deskriptivne analize za istraživana svojstva listova po slivovima rijeka

Table 6. Results of descriptive analysis for investigated leaf traits per river basins

| Riječni sliv River basin | N | ukupna dužina lista (mm) total leaf length (mm) | | dužine lisne plojke (mm) leaf blade length (mm) | | Širina lisne plojke (mm) leaf blade width (mm) | |
|-----------------------------|-----|--|--------------|--|--------------|---|--------------|
| | | Prosjek Mean | Std. dev. | Prosjek Mean | Std. dev. | Prosjek Mean | Std. dev. |
| Hibridi | 60 | 204.7 | 31.8 | 128.4 | 21.7 | 130.5 | 18.9 |
| Neretva | 100 | 108.4 | 31.2 | 69.6 | 18.3 | 71.2 | 21.6 |
| Bosna | 184 | 146.9 | 22.8 | 94.7 | 14.8 | 101.2 | 18.3 |
| Lašva | 20 | 147.4 | 17.0 | 95.7 | 11.3 | 102.3 | 14.1 |
| Vrbas | 144 | 151.9 | 17.6 | 95.7 | 10.7 | 106.8 | 14.4 |
| Drina | 135 | 146.1 | 17.3 | 93.5 | 9.8 | 98.8 | 10.3 |
| Spreča | 35 | 143.8 | 17.8 | 92.1 | 12.3 | 100.7 | 19.8 |
| Ukupno/Total | 678 | 147.1 | 32.3 | 93.9 | 19.9 | 100.1 | 22.3 |



**Slika 3.** Dendrogram grupiranja populacija/hibrida po svojstvima dužine i širine lista i dužine peteljke

Figure 3. Dendrogram of grouping of populations/hybrids by leaf length, leaf width and petiole length

Tablica 6.1. Rezultati deskriptivne analize za istraživanja svojstva listova po slivovima riječa

Table 6.1. Results of descriptive analysis for investigated leaf traits per river basins

| Riječni sliv River basin | N | Dužina peteljke (mm) petiole length (mm) | | udaljenost najšireg dijela plojke od baze lista (mm) distance of the widest part of leaf blade from the leaf base (mm) | | kut insercije između prvog bočnog i centralnog nerva (°) the angle of insertion between the first lateral and central nerve (°) | |
|-----------------------------|------------|---|--------------|---|--------------|--|--------------|
| | | Prosjek Mean | Std. dev. | Prosjek Mean | Std. dev. | Prosjek Mean | Std. dev. |
| Hibridi | 60 | 76,4 | 12,9 | 27,8 | 5,1 | 26,1 | 4,6 |
| Neretva | 100 | 38,7 | 13,4 | 18,8 | 4,4 | 38,5 | 5,0 |
| Bosna | 184 | 52,2 | 9,9 | 26,6 | 5,4 | 38,5 | 5,5 |
| Lašva | 20 | 51,7 | 7,8 | 24,5 | 3,6 | 34,5 | 2,7 |
| Vrbas | 144 | 56,2 | 9,1 | 25,7 | 3,6 | 37,1 | 5,7 |
| Drina | 135 | 52,6 | 9,1 | 26,4 | 4,2 | 39,7 | 6,6 |
| Spreča | 35 | 51,6 | 7,9 | 25,4 | 2,6 | 38,7 | 4,1 |
| Ukupno/Total | 678 | 53,2 | 13,7 | 25,2 | 5,2 | 37,2 | 6,6 |



Slika 4. Frekvencija pojavljivanja broja zubaca po slivovima rijeka

Figure 4. Frequency of number of teeth per river basins

je da postoje statistički značajne razlike između slivova rijeka za sva promatrana svojstva.

Nakon što je analizom varijance utvrđeno da postoji statistički značajna razlika između slivova rijeka po svim svojstvima, učinjen je Duncan test kako bi se utvrdilo gru-

Tablica 7. Rezultati analize varijance za svojstva listova po riječnim slivovima

Table 7. Results of variance analysis for leaf traits per river basins

| Zavisna varijabla Dependent variable | Izvor variranja Source of variation | Suma kvadrata Sum of square | Stepeni slobode Degree of freedom | Sredina kvadrata Mean Square | F | Signifikantnost Significance |
|---|--|--------------------------------|--------------------------------------|---------------------------------|---------|---------------------------------|
| Ukupna dužina lista / <i>Total leaf length</i> | Između grupa/ <i>Between groups</i> | 353050,137 | 6 | 58841,689 | 112,340 | 0,000 |
| | Unutar grupa/ <i>Within groups</i> | 351458,906 | 671 | 523,784 | | |
| | Ukupno/ <i>Total</i> | 704509,043 | 677 | | | |
| Dužina lisne plojke / <i>Leaf blade length</i> | Između grupa/ <i>Between groups</i> | 130920,010 | 6 | 21820,002 | 106,232 | 0,000 |
| | Unutar grupa/ <i>Within groups</i> | 137823,126 | 671 | 205,400 | | |
| | Ukupno/ <i>Total</i> | 268743,136 | 677 | | | |
| Dužina peteljke / <i>Petiole length</i> | Između grupa/ <i>Between groups</i> | 54760,809 | 6 | 9126,802 | 85,251 | 0,000 |
| | Unutar grupa/ <i>Within groups</i> | 71835,965 | 671 | 107,058 | | |
| | Ukupno/ <i>Total</i> | 126596,774 | 677 | | | |
| Širina lisne plojke / <i>Leaf blade width</i> | Između grupa/ <i>Between groups</i> | 145873,921 | 6 | 24312,320 | 86,085 | 0,000 |
| | Unutar grupa/ <i>Within groups</i> | 189504,550 | 671 | 282,421 | | |
| | Ukupno/ <i>Total</i> | 335378,471 | 677 | | | |
| Kut insercije prvog bočnog i centralnog nerva / <i>Insertion angle of the first lateral and central nerve</i> | Između grupa/ <i>Between groups</i> | 9009,945 | 6 | 1501,658 | 49,140 | 0,000 |
| | Unutar grupa/ <i>Within groups</i> | 20504,823 | 671 | 30,559 | | |
| | Ukupno/ <i>Total</i> | 29514,768 | 677 | | | |
| Udaljenost najšireg dijela lista od baze lista / <i>Distance of the widest part of leaf from the leaf base</i> | Između grupa/ <i>Between groups</i> | 5053,329 | 6 | 842,221 | 41,646 | 0,000 |
| | Unutar grupa/ <i>Within groups</i> | 13569,927 | 671 | 20,223 | | |
| | Ukupno/ <i>Total</i> | 18623,255 | 677 | | | |
| Broj zubaca / <i>Number of teeth</i> | Između grupa/ <i>Between groups</i> | 259,413 | 6 | 43,236 | 45,194 | 0,000 |
| | Unutar grupa/ <i>Within groups</i> | 641,926 | 671 | 0,957 | | |
| | Ukupno/ <i>Total</i> | 901,339 | 677 | | | |

Tablica 8. Broj grupa po svojstvima listova prema Duncan testu po slivovima rijeka

Table 8. Number of groups by leaf properties according to Duncan test per river basins

| Svojstvo lista / Leaf trait | Broj grupa / Number of groups |
|--|----------------------------------|
| Ukupna dužina lista/ Total leaf length | 3 |
| Dužina lisne plojke/Leaf blade length | 3 |
| Dužina peteljke/Leaf petiole length | 4 |
| Širina plojke/Leaf blade width | 4 |
| Kut insercije/Incision angle | 4 |
| Udaljenost najšireg dijela lista od baze lista / Distance of the widest part of leaf from the leaf base | 4 |
| Broj zubaca na 1 cm dužine lisnog ruba/Number of teeth | 3 |

piranje slivova za svako pojedinačno svojstvo. Broj grupa dobijenih Duncan testom po svojstvima prikazan je u tablici 8.

Po većini svojstava (dužina lista, dužina plojke, dužina peteljke, širina plojke, udaljenost najšireg dijela lista od baze, broj zubaca) sliv rijeke Neretve čini jednu grupu, sa najnižim prosječnim vrijednostima svojstava, hibridi također jednu grupu, s najvišim prosječnim vrijednostima svojstava, a svi drugi slivovi nalaze se u jednoj grupi ili dvije grupe koje se međusobno preklapaju. Prema kutu insercije prvog bočnog nerva od centralnog nerva hibridi se izdvajaju u jednu grupu, sliv Lašve u drugu, a ostali slivovi dijele se u dvije grupe koje se međusobno preklapaju.

4. RASPRAVA

DISCUSSION

Morfološka svojstva lista su uvjetovana ekološkim i genetičkim faktorima. Određena svojstva lista koja su pod jačom genetičkom kontrolom koriste se za utvrđivanje varijabilnosti između različitih populacija topola, kao i za utvrđivanje varijabilnosti unutar pojedinih populacija. Istraživanja morfoloških svojstava listova mogu biti polazna osnova za istraživanje postojanja korelacije između veličine lista i prirasnih mogućnosti klonova, kao i za istraživanje mogućnosti proizvodnje biomase.

De Woody i sur. (2015.) navode da šumsko drveće obično sadrži visoku razinu neutralne genetske varijacije, a genetske razlike su često povezane s geografskom udaljenosti između populacija (izolacija uzrokovana distancem) ili su posljedica povijesnih događaja (izolacija uzrokovana kolonizacijom), dok su, nasuprot tomu, morfološke razlike uglavnom posljedica lokalne prilagodbe. Rezultati dobijeni u ovom istraživanju pokazuju statistički značajne razlike između populacija koje su geografski blizu, te se ne može reći da su razlike posljedica lokalne prilagodbe.

Ren i dr. (2020.) navode da morfološke karakteristike lista mogu biti korištene kao rani indikatori za unapređenje

učinkovitosti selekcije. Rezultati koje su Ren i dr. (2020) dobili u istraživanju morfoloških svojstava listova roditelja i potomstva u klonskoj arhivi u sjevernoj Kini pokazali su da su morfološke osobine listova bile pod jakom genetskom kontrolom te da se roditeljski klonovi s visokom općom kombinacijskom sposobnošću i specifičnom kombinacijskom sposobnošću mogu koristiti u heterozisnom oplemenjivanju, što će koristiti kao polaznu tačku za osmišljavanje nove strategije selekcije roditelja i potomstva. Tako i rezultati ovog istraživanja mogu poslužiti pri selekciji klonova, kao i za dodatna istraživanja proizvodnosti klonova i utvrđivanja korelacije između svojstava lista i prirasta.

Rezultati analize varijance u ovom istraživanju pokazali su statistički značajne razlike između ispitivanih populacija za sva analizirana morfološka svojstva listova. Usporedbom analiziranih svojstava listova pomoću koeficijenta varijabilnosti uočava se da je najveću varijabilnost imala dužina peteljke, s koeficijentom varijabilnosti od 25.8%, dok je najmanju varijabilnost imalo svojstvo kuta insercije prvog bočnog i centralnog nerva s koeficijentom varijabilnosti od 17.7%. Slične rezultate dobili su i Kajba i sur. (2004., 2015.) i Ballian i sur. (2009.) u istraživanjima listova crne topole sakupljenih iz 17 prirodnih populacija s područja Hrvatske i Bosne i Hercegovine, gdje su također utvrđene statistički značajne razlike za sva analizirana morfološka svojstva listova. Najveću varijabilnost pokazala je dužina peteljke s koeficijentom varijabilnosti od 16 % do 37.3%. Samo postojanje varijabilnosti svojstava između populacija ukazuje na mogućnost korištenja ovih populacija u aktivnostima selekcije i oplemenjivanja.

Rezultati deskriptivne analize mjerenih morfoloških svojstava listova autohtonih i hibridnih topola u klonskoj arhivi Žepče pokazali su da su listovi hibridnih topola u prosjeku duži, širi, te duže peteljke od listova autohtonih populacija topola, odnosno da hibridi imaju veću proizvodnju biomase uzimajući u obzir listove. Ovi rezultati se mogu koristiti prilikom odabira klonova za podizanje klonskih plantaža topola za proizvodnju biomase, a također mogu poslužiti kao osnova za daljnja istraživanja proizvodnosti klonova. Također i svojstvo kut insercije prvog bočnog i centralnog nerva je pokazalo niže vrijednosti kod klonova hibridnih topola nego kod autohtonih, što se može povezati s rezultatima koje su dobili Kajba i sur. (1999., 2002.), koji su utvrdili da u razlici između autohtonih i američkih topola najviše doprinosi kut prvog bočnog nerva i horizontale.

Rezultati deskriptivne analize dužine peteljke u ovom istraživanju pokazali su da su hibridne tople imale za oko 30% dužu peteljku od autohtonih topola, što je suglasno rezultatima do kojih su došli Brus i sur. (2010.), koji su utvrdili da je dužina peteljke značajan identifikacijski parametar između crne i kanadske topole.

Rezultati Duncanovog testa za morfološka svojstva listova u ovom istraživanju pokazali su izdvajanje populacije

Čapljina s najnižim vrijednostima svojstava, a klaster analiza je također pokazala da se populacija Čapljina nalazi u klasteru s nekoliko drugih populacija s nižim vrijednostima svojstava od prosjeka. Također i Duncan test po slivovima rijeka pokazuje odvajanje sliva rijeke Neretve u posebnu grupu. Ovo potvrđuje rezultate koje su dobili Kajba i dr. (2002.), koji su istraživali dlakavi tip crne topole (*P. nigra*) koji raste uz rijeku Neretvu (Bosna i Hercegovina) i utvrdili da se znatno se razlikuje od crne topole u obalnim populacijama uz rijeke u Hrvatskoj (Dunav, Drava i Sava). Također u istraživanje dlakavih topola (Kajba i sur. 2016.) utvrđene su značajne razlike između tipičnog i dlakavog tipa europske crne topole..

Čortan i sur. (2015.) istraživali su morfološku varijabilnost listova crne topole u dolinama najvećih rijeka Vojvodine (Dunav, Tisa, Sava). Rezultati analize varijance ukazuju na postojanje statistički značajnih razlika između individua u okviru populacija za sva ispitivana morfometrijska svojstva, a između populacija za svojstva širina lista, ugao između prvog nerva i horizontale, rastojanje između osnove lista i najšireg dijela lista i broj nerava na lijevoj strani lista). Rezultati Čortan i dr. (2015.) pokazali su izraženu varijabilnost kada su u pitanju parametri dužina peteljke, širina lista na 1 cm od vrha lista, rastojanje između osnove i najšireg dijela lista i ugao između prvog nerva i horizontale za koje se smatra da su pod izrazitom genetskom kontrolom, dok parametri širina lista, dužina lista i ukupna dužina lista, koji se odlikuju velikom plastičnošću, pokazuju manju varijabilnost. Rezultati analize morfoloških svojstava listova crne topole po slivovima rijeka također su pokazali statistički značajne razlike između slivova rijeka, što se može povezati s utjecajem razine vode. Miljković i Čortan (2020.), istražujući morfometrijska i morfološka svojstva lista crne topole u plavnim i neplavnim područjima sliva Dunava, utvrdili su da je utjecaj poplava statistički značajan za geometrijsku veličinu i oblik lista.

Varijabilnost između populacija autohtonih crnih topola utvrđena je također i molekularnim istraživanjima (Ballian i Tröber 2017.). Autori su istraživali genetsku strukturu šest bosanskohercegovačkih populacija crnih topola, uz uporabu deset mikrosatelitskih genskih lokusa te utvrdili veliki polimorfizam. U populaciji donji tok Neretve i gornji tok Vrbasa registriran je najmanji broj alela (34 i 29), dok je u populaciji gornji tok Bosne registriran ukupno 81 alel. Stvarne heterozigotnosti su skoro u svim slučajevima manje od teorijskih. Fiksacijski indeks u svim istraživanim populacijama pokazao je negativne ili vrlo male pozitivne veličine, ali s relativno malim vrijednostima, osim u slučaju populacije Neretva kod koje je prosječni koeficijent inbridinga iznosio 0,062. Ovi rezultati potvrđuju vezu između morfoloških i molekularnih istraživanja, s obzirom da je populacija Čapljina, pokazala izvjesna odstupanja od ostalih populacija, odnosno sliv Neretve od ostalih slivova.

DeWoody i dr. (2105.) godine istraživali su genetičke (mikrosatelitske) i morfološke varijacije kod *Populus nigra* na uzorcima sa 13 lokacija diljem zapadne Europe koji su gađeni na zajedničkoj lokaciji u Belgiji. Utvrdili su značajnu genetsku diferencijaciju te značajne korelacije pri usporedbi ekotipova malih listova s ekotipovima velikih listova, unutar uzorka malih listova, ali ne unutar ekotipova velikih listova. To prema mišljenju autora indicira da varijacija unutar morfotipova malih listova može biti adaptivna.

Morfološka istraživanja listova mogu poslužiti prilikom izbora klonova za podizanje klonskih plantaža, a potrebno ih je povezati s dodatnim istraživanjima proizvodnosti klonova, kao i sa istraživanjima populacija.

5. ZAKLJUČAK CONCLUSION

Analizom varijance za morfometrijska svojstva listova crnih topola iz klonskog arhiva u Žepču, utvrđeno je da postoje statistički značajne razlike između klonova iz različitih populacija/hibrida, kao i između klonova iz različitih slivova rijeka, za sva promatrana svojstva.

Najveći varijabilitet je prisutan kod svojstva dužine peteljke s koeficijentom varijabilnosti od 25.8%, dok je najmanju varijabilnost pokazalo svojstvo kuta insercije prvog bočnog i centralnog nerva s koeficijentom varijabilnosti od 17.7%. Hibridne topole imaju krupnije listove od autohtonih topola, odnosno prosječne veličine za: ukupnu dužinu lista, dužinu lisne plojke, širinu lista, dužinu peteljke, te udaljenost najšireg dijela plojke od baze lista su veće kod klonova hibridnih nego klonova autohtonih populacija topola prisutnih u klonskoj arhivi.

Kut insercije prvog bočnog i centralnog nerva je veći kod klonova autohtonih populacija topola i varira od 32° do 44.1° , dok za klonove hibridnih topola kut insercije varira od 22° do 32.6° .

Klonovi populacije Banja Luka imali su najveću prosječnu ukupnu dužinu lista i širinu lista, a klonovi populacije Sarajevo najveću prosječnu dužinu lisne plojke. Klonovi populacije Bilješevu imali su najveću prosječnu dužinu peteljke i udaljenost najšireg dijela lisne plojke od baze lista. Klonovi populacije Čapljina imali su najmanje prosječne vrijednosti svih mjerjenih svojstava osim kuta insercije prvog bočnog i centralnog nerva.

Klonovi najvećeg broja populacija (38.3%) imali su 4 zubca na 1cm dužine lisnog ruba iznad najšireg dijela lista. Klonovi većine autohtonih populacija imaju 4 zupca, iako značajan broj ima i 5 zubaca, dok su kod klonova hibridnih topola najčešći listovi sa po 3 zupca na 1cm dužine lisnog ruba. Klonovi populacije Čapljina jedini imaju postotno najviše zastupljenih listova sa po 6 zubaca na 1cm lisnog ruba.

Ovo istraživanje daje samo mali uvid u morfološke karakteristike crnih topola u klonskom arhivu Žepče te može predstavljati osnovu za daljnja istraživanja u cilju potpunijeg razumijevanja morfoloških i drugih svojstava crnih topola potrebnih za uspješan nastavak rada na oplemenjivanju ove vrste.

LITERATURA

REFERENCE

- Ballian, D., U. Tröber, 2017: Genetska karakterizacija europske crne topole (*Populus nigra* L.) u Bosni i Hercegovini. Šumarski list, 5-6:251-262
- Ballian, D., F. Mekić, 2008: Klonski arhiv bosanskohercegovačkih populacija crne topole (*Populus nigra* L.) u Žepcu – podizanje i upotreba klonskog materijala. Naše šume, 12/13 :16-24.
- Ballian, D., 2004: The status of Black and White Poplar (*Populus nigra* L., *Populus alba* L.) in Bosnia and Herzegovina, In *Populus nigra* Network. Report of the 8th *Populus nigra* Network Meeting, Frankfurt (Oder)/Treppeln. IPGRI, Italy, str. 17-20. Rome.
- Ballian, D., 2017: Varijabilnost crne topole(*Populus nigra* L.) i njeno očuvanje u Bosni i Hercegovini". Šumarski fakultet Univerziteta u Sarajevu. Str.1-205.
- Ballian, D., 2009: Značaj kolekcije klonova autohtonih crnih i hibridnih topola za Bosnui Hercegovinu. Radovi Hrvatskog društva zaznanost i umjetnost, Sarajevo, 11: 221 - 230.
- Brus, R., U. Galien, G. Božić, K. Jarni, 2010: Morphological study of the leaves of two European black poplar (*Populus nigra* L.) population in Slovenia. Periodicum biologorum, 112 (3), 317-325.
- Čortan, D., M. Šijačić-Nikolić, R. Knežević, 2013: Variability of leaves morphological traits in black poplar (*Populus nigra* L.) from two populations in Vojvodina, Šumarstvo (Forestry) 65 (3-4), 193-202.
- Čortan, D., M. Šijačić-Nikolić, R. Knežević 2014: Variability of morphometric leaf characteristics of Black poplar from the area of Vojvodina, Bulletin of the Faculty of Forestry 109, 63-72.
- Čortan, D., B. Tubić, M. Šijačić-Nikolić, D. Borota, 2015: Morfološka varijabilnost listova crne topole(*Populus nigra* L.) na području Vojvodine, Srbija.Šumarski list, 5/6:245-252
- Čortan, R.D. 2015: Procena varijabilnosti prirodnih populacija crne topole (*Populus nigra* L.) na području Vojvodine primenom genetičkih markera" Doktorska disertacija, Šumarski fakultet Univerziteta u Beogradu
- DeWoody, J., H. Trewin, G. Taylor, 2015: Genetic and morphological differentiation in *Populus nigra* L.: isolation by colonization or isolation by adaptation? Molecular Ecology, 24, 2641–2655. doi: 10.1111/mec.13192
- Kajba, D., Ballian D., M. Idžođić, I. Poljak, 2015: Leaf Morphology Variation of *Populus nigra* L. in Natural Populations alongthe Rivers in Croatia and Bosnia and Herzegovina. SEEFOR 6(1): 39-51. Zagreb
- Kajba D., D. Ballian, M. Idžođić, S. Bogdan, 2004: The differences among hairy and typical European black poplars and thepossible role of the hairy type in relation to climatic changes.Forest Ecolgy and Management, Vol. 197, 1-3: 279-284.
- Kajba, D., M. Idžođić, S. Bogdan, 1999: Discriminant analysis of leaf morphologicalcharacters of the European Black Poplar (*Populus nigra* L.) in natural populations inCroatia. In *Populus nigra* network. Report of the fift meating, 5-9 May (1999), Kyiv,Ukraine (Turok, J., Lefevre, F., de Vries, S., Alba, N., Heinze, B., Voloyanchul, R.and Lipman, E., compilers): International Plant Genetic Resources Institute, Rome.Str. 73-76.
- Kajba, D., B. Romanić, 2002: Leaf Morphological variability of the European blackpoplar (*Populus nigra* L.) in natural population in the Drava river basin in Croatia.In: Genetic diversity in river population of European black poplar implications for riparian eco-system management. (van Dam BC, Bordacs S Eds.). Proceedings of the International Symposium held in Szekszard, Hungary, May 16-20, 2001, pp. 77.
- Kajba, D., D. Ballian, M. Idžođić, S. Bogdan, 2002: Importance of conservation of the hairy type of *Populus nigra* in the changing climatic and environmental conditions. Conference: DYGÉN Conference, Strasbourg.
- Kajba, D., D. Ballian, M. Idžođić, I. Poljak, I. Andrić, 2016: Morphological Variability of Hairy and Typical European Black Poplar (*Populus nigra* L.). International Poplar Commission 25th Session Berlin. Poplars And Other Fast-Growing Trees - Renewable Resources For Future Green Economies. Abstracts Of Submitted Papers And Posters.
- Koskela, J., de Vries, S.M.G., Kajba, D., von Wühlisch, G. (comps.) 2004: *Populus nigra* Network, 131 p.
- Miljković, D., D. Čortan, 2020: Morfometrijska i morfološka analiza lista crne topole (*Populus nigra* L.) u plavnim i neplavnim područjima sliva Dunava/Morphometric and morphological analysis of *Populus nigra* L. leaves in flooded regions. Šumarski list, 3-4 (2020): 139–147. <https://doi.org/10.31298/sl.144.3-4.3>
- Ren, J., X. Ji, C. Wang, J. Hu, G. Nervo, H. Li, (2020): Variation and Genetic Parameters of Leaf Morphological Traits of Eight Families from *Populus simonii* × *P. nigra*. Forests 2020, 11, 1319; doi:10.3390/f11121319
- Vanden Broeck, A., 2003: EUFORGEN Technical Guidelines for genetic conservation and use for European black poplar (*Populus nigra* L.). International Plant Genetic Resources Institute, Rome, Italy.

SUMMARY

Black poplar (*Populus nigra* L.) is one of the most important European tree species, inhabiting alluvial habitats along the banks of large rivers. Today, it is one of the most endangered species of forest trees due to habitat devastation, regulation of river flows, excessive exploitation, and the introduction of non-native tree species with which it hybridized. This study aims to determine the variability of morphological properties of black poplar leaves n Bosnia and Herzegovina, within and among populations, and among river basins.

Material from the clonal archive of black poplars was researched. The archive was founded in 2005 in Žepče. It contains clones from 161 trees of indigenous black poplars from 26 populations throughout Bosnia and Herzegovina (from the basins of 6 rivers) and 15 hybrid poplar species (table 1 and table 2).

Ten leaves were collected from each clone by taking the fifth leaf from the top of the main shoot. Five leaves from each clone were measured. The measurement was performed with a digital movable scale with an accuracy of 0.1 mm and a protractor. The following traits were measured: leaf blade length, leaf blade width, petiole length, total leaf length, the angle between the first lateral nerve and central nerve, and distance from the leaf base to the widest part of the leaf. The number of teeth on one cm above the widest part of the leaf was counted. Data were processed using SPSS 26.0 and EXCEL by populations and river basins.

Analysis of variance revealed that there are statistically significant differences among the studied populations (table 4), as well as among river basins (table 7), for all investigated traits. The petiole length trait showed the highest variability, and the lowest variability had the insertion angle of the first lateral and central nerve (table 3). The clones of population of hairy black poplars Čapljina had the lowest values of leaf traits and differed significantly in all measured properties from the others. The most common number of teeth per 1 cm of leaf edge for all populations was four teeth (figure 2), which appeared on 38.3% of leaves.

This research gives us a small insight into the morphological characteristics of black poplars in the clone archive Žepče and can be the basis for further researches of the traits of black poplars needed for a successful continuation of work on breeding this species.

KEY WORDS: european black poplar, clone archive, morphological traits of leaves